

RE: Molba za provjerom dostavljenog akta

Sanja Sudar-Mihić <sanja.sudar@cip.gov.ba>

Wed 15/03/2023 16:33

To: Umihana Salčin <umihana.salcin@fpn.unsa.ba>

Poštovana,

U vezi vašeg maila od 09.03.2023. godine, a u kome tražite pojašnjenje našeg mišljenja broj: 03-33-2-1590-1/22 od 30.11.2022. godine, želimo vas informisati da se tačka 7. Mišljenja odnosi na prava pristupa daljem obrazovanju u Republici Srbiji.

Nacionalni okvir kvalifikacija Republike Srbije (NOKS) propisuje da se na drugom stepenu visokog obrazovanja nalaze master akademske studije (60-120 ECTS bodova), specijalističke akademske studije (60 ECTS bodova) i master strukovne studije (120 ECTS bodova). Međutim, direktan pristup trećem stepenu visokog obrazovanja, odnosno doktorskim akademskim studijama imaju osobe sa završenim master akademskim studijama (pogledati tačku 8. Dodatka diplomi broj: MC-115 od 12.11.2020. godine, koju ste nam dostavili).

Međutim, u vezi akademskog priznavanja u Bosni i Hercegovini, ovim putem vas informišemo da da je Bosna i Hercegovina 2003. godine potpisala i ratifikovala Konvenciju Vijeća Evrope/UNESCO-a o priznavanju kvalifikacija u visokom obrazovanju u Evropskoj regiji (ETS No. 165, 1997., u daljem tekstu Lisabonska konvencija), ("Službeni glasnik BiH", broj: 16/03 – Međunarodni ugovori). Takođe, ratifikacijom Lisabonske konvencije, Bosna i Hercegovina se obavezala poštovati odredbe Konvencije, njenih pratećih dokumenata i drugih dokumenata kreiranih unutar Evropskog prostora visokog obrazovanja (EHEA) i Evropskog prostora priznavanja (EAR), koje se, ako govorimo o akademskom priznavanju, bazira na ključnim kompetencijama koje je nosilac visokoškolske kvalifikacije stekao tokom svog obrazovanja, u vašem konkretnom slučaju u odnosu na ključne kompetencije bachelor i master studijskog programa na prethodnoj visokoškolskoj ustanovi. Priznavanje ispit za ispit je upravo razlog zbog čega je nastala Lisabonska konvencija, a sve zemlje su pozvane da harmonizuju svoja zakonodavstva i napuste koncept „ispit za ispit“ (nostrifikacija odnosno ekvivalencija). S tim u vezi čak i kada kvalifikacija ne daje pravo pristupa, a u skladu sa usvojenim Pravilnikom Univerziteta u Sarajevu koji je donesen na osnovu Modela akademskog priznavanja razvijenog u sklopu STINT projekta, a koji primjenjuju sve javne visokoškolske ustanove u BiH, visokoškolska ustanova možete razmotriti koje ključne kompetencije je nosilac predmetne kvalifikacije stekao u odnosu na ključne kompetencije prethodnog obrazovanja, a koje su uslov za pristup daljem obrazovanju i ukoliko ne možete dodijeliti potpuno priznavanje, usloviti dalje obrazovanje polaganjem razlike predmeta tokom izvođenja studijskog programa ili usloviti pristup nastavi polaganjem ključnih predmeta neophodnih za nesmetano praćenje nastavnog procesa. Drugim riječima u postupku akademskog priznavanja pravo pristupa bi se trebalo zanemariti te uzimati u obzir samo pravo upisa na odgovarajući studijski program, u skladu sa postavljenim kriterijima upisa koji određujete vi kao visokoškolska ustanova.

S poštovanjem,

Sanja Sudar-Mihić**Centre for Information and Recognition of Qualifications in Higher Education**☎ **00 387 36 333 994**✉ **sanja.sudar@cip.gov.ba**🌐 **www.cip.gov.ba**📍 **Kneza Višeslava bb, 88000 Mostar****Bosna i Hercegovina**



From: Umihana Salčin <umihana.salcin@fpn.unsa.ba>
Sent: Thursday, March 9, 2023 11:05 AM
To: Sanja Sudar-Mihić <sanja.sudar@cip.gov.ba>; Dragana Dilber <dragana.dilber@cip.gov.ba>
Subject: Molba za provjerom dostavljenog akta

Poštovani,

Dana 30.11.222. godine ste izdali MIšljenje o vjerodostojnosti diplome Miroslava Pisarevića (akt u prilogu), u tom smislu molim Vas za pojašnjenje zadnje stavke u kojem stoji da kandidat nema mogućnost uključivanja u dalje nivoe studija u Republici Srbiji zašto je to tako i da li to stvara problem za dalji studij u Bosni i Hercegovini.

LP

Umihana Mahmić, Mr. iur.

Sekretar Fakulteta

Univerzitet u Sarajevu- Fakultet političkih nauka

Tel: 00387 33 203562, lok: 113

00387 33 263880

Email: umihana.salcin@fpn.unsa.ba

Web: www.fpn.unsa.ba